



Ilanngussaq (Bilag)

Ilinniartitaanermut, Kultureqarnermut,
Timersornermut Ilageeqarnermullu
Naalakkersuisoq

ikin@nanog.gl

Ulloq: 10-10-2022

J.nr.:01.33.03-00158

UKA2022/117 pillugu: Uunga siunnersuut: Meeqqanik pinerliisimanginnermut uppersaatinik piunasaqaateqartussaataaneq pillugu Inatsisartut inatsisaata allangortinnera pillugu Inatsisartut inatsisaat. (Ukioqatigiiaannik illersorneqartunik annertunerulersitsineq, paasissutissanik aallertussaaneermik pisussaaffimmik annertunerulersitsineq, meeqqanik pinerliisimanginnermik uppersaammi paasissutissanik annertunerulersitsineq kinguaassiuutitsigut pinerluuteqarsimaneq pillugu)

Timersortartut ilanngunnerisigut siunnersuutip annertunerulersinnissaanut periarfissaqarneranut apeqqut siunnersuutip siullermeerneqarnerani saqqummiunneqarpoq, taamaaliornikkut assersuutigalugu unammisoqartillugu meeqqanik pinerleeratartoqarsinnaanerata aarleqqutigineqarnissaa minnerpaaffianiitinniarlugu.

1. Tamanna qanoq maleruagassiorneqarsinnaasutut Naalakkersuisunit isumaqarfigineqarpa?
2. Siunnersuutigineqartut timersortartunik ilanngussilluni annertunerulersitsinissaq sunik pitsaaquteqarlunilu ajoquteqassava?
3. Timersoqatigiiffinni meeqqanik sammisaqartitsisarnermut atatillugu meeqqanik pinerliisimanginnermut uppersaatinik piunasaqaateqartussaataanerup malinneqarnera Naalakkersuisunit qanoq malinnaavigineqartigiva?

Apeqqutitut siuliani allassimasunut akissutip (kalaallisut qallunaatullu) piaartumik tiguneqarnissaa ataatsimiititaliamit qinnutigineqarpoq. Akissuteqaat ataatsimiititaliap allattaanut (kaod@ina.alla.gl) aamma Inatsisartunut (inatsisartut@inatsisartut.gl) nassiuteqquneqarpoq.

Apeqqutit siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartut Naalakkersuisut naliliippata, tamanna sapinngisamik piaartumik nalunaarutigeqquneqarpoq, tassungalugu ilanngullugu ilisimatitsiffiusumik ataatsimiinnerujunnartumut ulluliussassatut siunnersuuteqarluni.

Qujareerlunga,

Inussiarnersumik inuulluaqqusillunga

Anders Olsen
Inatsisinut Ataatsimiititaliamut siulittaasoq



Inatsisinut Ataatsimiititaliaq

Ilanngussaq 2
Bilag

Una pillugu: UKA 2022/117: Siunnersuut: Meeqqanik pinerliisimanginnermut uppersaatitnik piumasaqaateqartussaataaneq pillugu Inatsisartut inatsisaata allanngortinnera pillugu Inatsisartut inatsisaat. (Ukioqatigiiaanik illersorneqartunik annertunerulersitsineq, paasissutissanik aallertussaannermik pisussaaffimmik annertunerulersitsineq, meeqqanik pinerliisimanginnermik uppersaammik paasissutissanik annertunerulersitsineq kinguaassiuutitsigut pinerluuteqarsimaneq pillugu)

18-10-2022
Sagsnr. 2021 - 22967
Akt nr. 21449225

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasakka Inatsisinut Ataatsimiititaliami ilaasortat

Inatsisartut inatsisinut ataatsimiititaliaata allakkatigut ulloq 10. oktober 2022 Naalakkersuisut pingasunik apeqquteqarfigaat, meeqqanik pinerliisimanginnermut uppersaatitnik piumasaqaateqartussaataaneq pillugu Inatsisartut inatsisaata annertusineqarsinnaaneranut periarfissat aamma timersornermik ingerlatsisunut atortinneqarsinnaanerannut atatillugu.

Apeqqutigineqartut pineqartut tulliuttuni apeqqutigineqartut kingornatigut akissuteqarfigineqartarput.

1. Tamanna qanoq maleruagassiorneqarsinnaasut Naalakkersuisunit isumaqarfigineqarpa?

Akissut:

Aallarniutigalugu oqaatigineqassaaq Inatsisartut inatsisaanni maanna atuuttumi meeqqanik pinerliisimanginnermut uppersaammik piniartussaataitanermut pisussaaffiup atuuttup allanngortinneqarsinnaanera tunngaveqarmat Pinerlussimasunik Qitiusumik Nalunaarsuisarfeqarneq pillugu nalunaarummi (pinerlussimasunik nalunaarsuisarneq pillugu nalunaarut) tamatumunnga pisinnaatitsisoqarnerisooq pillugu aalajangersakkanik. Taamaasillutik tassa Naalagaaffeqatigiinnermi Oqartussat danskit justitsministeriaqarfianni Pinerlussimasunik Qitiusumik Nalunaarsuiffik pillugu nalunaarummik tunngaveqartumik aalajangersaasartuupput meeqqanik pinerliisimanginnermik uppersaatitnik imaqsinnaanersooq taassumalu ersarinnerusumik qanoq paasineqarnissaa pillugu, tamatumani aamma qaqugukkut meeqqanik pinerliisimanginnermik uppersaammik piniartoqartassanersooq pillugu.

Pinerlussimasunik Qitiusumik Nalunaarsuiffeqarneq pillugu nalunaarummi ersipooq meeqqanik pinerliisimanginnermut uppersaammik pineqartarut paasissutissanik

ingerlatitseqqinneq pinerlussimasunik paasiniaasarnermut immikkoortortamiit, atorfinitsitsinissamut atatillugu, imaluunniit sulisussarsinissamut atatillugu inunnik suliaminnut atatillugu toqqaannartumik meeqqanut imaluunniit inunnut attaveqartartussanik. Pinerlussimasunik Qitiusumik Nalunaarsuiffeqarneq pillugu nalunaarummilu ilanngullugu ersippoq paasissutissanik ingerlatitseqqittoqarsinnaasoq atorfinitsitsinerni sulisitsinerniluunniit atorneqartussanik, inunnut atorfeqarnerminnut atatillugu meeqqat akornanni angalaartartunik, taamalu meeqqanut pineqartunut toqqaannartumik attaveqarsinnaasunut tunngatillugu. Kiisalu aamma Pinerlussimasunik Qitiusumik Nalunaarsuiffimmut nalunaarummi ersippoq paasissutissat aamma tassaasinnaasut atorfeqartitap imaluunniit sulisorisap pineqartup aapparisa, inooqatigisaa, meerai angerlarsimasut aamma inuit allat atorfeqarnerminnut imaluunniit suliffeqarnerminnut atatillugu toqqaannartumik meeqqanut attaveqarsinnaasut.

Taamaasillunilu Pinerlussimasunik Qitiusumik Nalunaarsuiffik pillugu nalunaarummi qitiuvoq paasissutissanik ingerlatitseqqittarneq meeqqanik pinerliisimannginermik uppernarsaatikkut pisartoq tunngaveqartussaasoq atorfeqarnermik imaluunniit sulisorineqarnermik atuuttumik. Tamanna atuuttangilaq inunnut timersoqatigiiffimmut ilaasortanngortumut sulorarnermik, assammik arsarnermik imaluunniit arsaattarnermik sammisaqarnissamik siunertaqarluni. Taamaattumik akuersissuteqanngilaq Inatsisartut inatsisaanni malittarisassiorsinnaanermut meeqqanik pinerliisimannginermut uppernarsaammik piniartarsinnaanermut timersornermik ingerlatsisuusunut, suliaqarnermut attuumassuteqanngitsunut, akissarsiaqarluni akissarsiaqaraniluunniit.

2. Siunnersuutiginneqartut timersortartunik ilanngussilluni annertunerulersitsinissaq sunik pitsaaquteqarlunilu ajoquteqassava?

Akissut:

Imaaliinnarluni illuatungilerneqarsinnaanngilaq annertunerulersitsineq pineqartut toqqissisimanermik annertunerulersitsinissaasoq, apequtaalluni aaqqissuussinermut inatsisitigut qanoq kinguneqartitsisoqartarsinnaanera. Timersoqatigiiffiit ataasiakkaarlutik taamaasillutik assersuutigalugu peqatigiiffiup malittarisassaani aalajangertussaassavaat meeqqanik pinerliisimannginermut uppernarsaatip kingunerisassai suusassanersut. Tamatumani assersuutigalugu pineqarsinnaapput timersoqatigiiffimiit anisitaaneq, imaluunniit mianersornissamut malittarisassanik killeqartunik aaqqissuussisoqartariaqassasoq, tamatumani aamma nakkutilliinermut aalajangersakkanik, assersuutigalugu maleruagassiornikkut inunnut matumani pineqartunut meeqqanik 18-it inorlugit ukiulinnik timersoqateqartassanngitsut, imaluunniit meeqqat 18-it inorlugit ukiullit killiliussat matusat iluanni sammisaqartassasut. Tamatumani pineqarsinnaapput piumasaqaataasunik malittarisassiorneq meeqqanut 18-it inorlugit ukiulinnut qanoq ungasitsigisumiittussaaneq pillugu, atsisajartarfinnik atuinermut malittarisassiorneq, piffissalersuineq atsisajartarfiit il.il. qaqugukkut atorneqarsinnaanerinut il.il.

Timersoqatigiiffiit ilanngullugu aamma allaffissornikkut suliasanik amerlanerusunik pisussaaffilersorneqartussaassapput, timersoqatigiiffiit meeqqanik pinerliisimannginermut uppernarsaatinik taamaallaat piniartartussaallissanngimmata sungiusaasunut, holdini aqutsisunut ikiortinut aammalu peqatigiiffimmi ingerlatseqataasartunut allanut, kisiannili aamma timersortartunut tamanut 15-inik ukioqalereersimasunut.

3. Timersoqatigiiffinni meeqqanik sammisassaqartitsinnermut atatillugu meeqqanik pinerliisimanginnermut uppernarsaatinik piumasqaateqartussaaitaanerup malinneqarnera Naalackersuisunit qanoq malinnaavigineqartigiva?

Naalackersuisut ilaatigut Timersoqatigiit Kattuffianniit (GIF) paasissutissanik tunngaveqartumik ilisimavaat timersoqatigiiffiit arlaqartut unammilligassaqartut meeqqanik pinerliisimanginnermut uppernarsaatinik piniartarnernut atatillugu. Timersoqatigiit Kattuffiat ulloq 13. oktober 2022 Naalackersuisunut ilisimatitsivoq kattuffiup paasissutissaatai naapertorlugit meeqqanik pinerliisimanginnermut uppernarsaatinik 187-inik nammineq piumasutsimik ingerlatsisunut atatillugu piniartoqarsimasoq, inunnit piumasutsimik suleqataasartunit 316-init nalunaarsugaasuniit, tassalu nammineq piumasutsimik suleqataasut 60 %-iisa missaat. Nammineq piumasutsimik suleqataasut 129-it sinneruttut meeqqanik pinerliisimanginnermut uppernarsaammik piniunneqarsimangitsut naatsorsuutigisariaqassapput meeqqanut attuumassuteqanngitsunik suliaqartuussasut, assersuutigalugu sungiusaasut, holdini aqutsisut il.il. inersimasut timersornermik ingerlatsinerannut atatillugu.

GIF tamatumunnga tapiliullugu ilisimatitsivoq suliniummi Ataatsimoorluta Aalasa, Timersoqatigiit kattuffiata UNICEF Grønland peqatigalugu aallartissimasaani, suleqatigalugit Paarisa Politiillu aamma Innuttaasut Peqqissusiannik Qitiusumik Ingerlatsivik immikkut suliniuteqartoqartoq nukittorsaavigiumallugu meeqqanik pinerliisimanginnermut uppernarsaatinik piniartoqartarnissaa.

Timersoqatigiit Kattuffiata nalilersimavaa timersoqatigiinnermut peqatigiiffiit meeqqanik pinerliisimanginnermut uppernarsaatinik piniartarnermini ataatsimut aaqqissuussaasumik periaaseqanngitsut, soorluttaaq tamakkiisumik paasinangitsoq nalunaarsuisarnerup pisariaqassusia aammalu meeqqanik pinerliisimanginnermut uppernarsaatinik piniartarnermut paasissutissat nutarterneqartarnissaat pisariaqartuusoq. Timersoqatigiit Kattuffiata tamatumunnga atatillugu nalunaarppaa pisariaqartitsisoqartutut ittoq aaqqissuussaanagerusumik periaaseqarnissaq, meeqqanik pinerliisimanginnermut uppernarsaatinik piniartarnermi, kiisalu aamma Timersoqatigiit Kattuffiata ilaasortanik nalunaarsuinerata aaqqissuussamik malinnaatinneqarnissaa pisariaqartoq. Tamatuma saniatigut pisariaqarsinnaavoq ilaasortat nutaat ilinniartinneqartarnissaat, ataatsimullu isigisumik meeqqanik pinerliisimanginnermut uppernarsaatit nalunaarsorneqartarnissaat malinnaatinneqartarnissaallu.

Naalackersuisut eqqumaffigivaat Timersoqatigiit Kattuffiat ajornartorsiutini pineqartuni immikkut eqqumaffigisassanik isiginiaammat, aammalu Timersoqatigiit Kattuffiata ukiumut arlaleriartumik klubbit timersoqatigiit kattuffiilu ilitsersortarmagit meeqqanik pinerliisimanginnermut uppernarsaatit pillugit.

Inussiarnersumik inuulluaqqusillunga

Peter Olsen